

KÁ NÓCITÁNIWAK MINO KAKÉCIHITOWIN WANASOWÉWIN

TANTO ASKÍY ÁCINÓKÉWIN MASINAHIKAN

**KÁKÍ MASINAYAKIK
MANITOBA INDIGENOUS RECONCILIATION SECRETARIAT**

2022/23



Executive Summary: The Path to Reconciliation in Manitoba

kwayask-itastāsowi- isihcikēwin (Path to Reconciliation Act)

nisitawinam Manitoba ē-astēk ita kayās kākī-ohṭācōhowicik mina kākī-wīkicik ininiwak. ēkwa mina oma isihcikēwin nisitawinam kahkinaw Manitoba kā-wīkicik ohtisiwak mina tasinē kī-pē-ohtisiwak oki ohci kayās wicēhtowina ēkwa kihci-asotamākēwina.

Manitoba okimanahk nisitawinam misiwēskamik, ēkwa mina misiwē isi, ēkī-kitimahihcik ininiwak ota Kanata. mistahi kī-wanitotawāwak ininiwak, mitoni kēkac kī-nisiwanicihāwak aspin ohci kā-pihtikwēcik omantēwak ota Kanata.

kiskēnihtākwān, onasowēwin ohci, tā-ihtakwahk minwāhkohtowin kīspin kwayask itōtahcik ininiwak, kwayask isi pamihicik, mina wīstawāw aniki kā-nīkaniskakihk ininiwi-okimāwiwin, mina kīspin kistēnihtahkik kayās ohci otoshtwawiniwāwa ēkwa opikiskwēwiniwāwa ininiwak. minwāhkohtowin ta-kiskēnihtakwān maka poko ta-tasihcikatēk kimotaskēwin.

Manitoba okimanahk atoskātām misiwē isi minwāhkohtowin, māka oma masinahikan anihi poko tasihtam April 1, 2022 isko March 31, 2023 āsay kākī-tōtahkik. Manitoba Indigenous Reconciliation Secretariat (Manitoba ininiwi-minwahkohtowin-omasinahikēsis) kī-masinaham ota ayinanēwaw-kā-wihtamakēk tahtwaw askīwak ācimowin.

kā-natawēnihtākwahki ta-itōcikatēki: nakatamakowina (Calls to Action: Legacies) wīhtamākēw kēkwān tasihtahkik mēkwac Manitoba okimanahk ta-kwayask-astācīk oma ininiwi-pimātisiwin wīstawaw ininiwak ta-isi-pimātisicik tāpiskoc kotakoyak anisininiwak ota Manitoba, mistahi kitimākisiwin ēkwa kwītamāwin ē-kiskēnihtahkik, mona tapiskōc kotakiyak anisininiwak ota kā-isi-mino-pimātisicik, wīnawaw kwayask nawac poko ē-itotāhcik, mona mistahi kēkwān ē-nōhtēpanicik; ēkwanima kā-atoskātahk Manitoba okimanahk, kā-itastēk 42 CTA (kā-natanwēnihtakwaki ta-itocikatēki) anita tapwēwin ēkwa minwahkohtowin (TRC) kākī-kīsihtaniwak masinahikan. kī-māmawi-atoskātāmwak misiwē-itē ohci otatoskēwak ta-kakwē kwayask-astācīk awāsisak-kā-isi-pamihicik, ēkwa kiskinohamakēwin, ēkwa mino-ayāwin, mina kwayask-itōtamowin, mina opīkiskwēwiniwāwa ēkwa mina micimwaci-osihtwāwiniwāwa ininiwak .

aniki CTA (kā-natanwēnihtakwaki ta-itocikatēki) ita kā-masinahikatēk minwahkohtowin, wīhtam kēkwān atoskēwin kiyāpic ta-itōcikatēk, ta-astāniwahk ēkwa ta-kanawēnicikatēk mino-wichētowin, ta-kiskēnihtakik ininiwak mina kotakiyak anisininiwak, ēkawina pā-pītos ta-isi-pimātisicik māka kahkinaw awiyak ota Manitoba mino-pimātisiwin ta-kiskēnihtak.

nistwaw kotak kēkwān takwastēw ita kā-masinahikatēki kotakiya ta-itōtahkik, awasimē ta-atoskātahkik, minwāhkohtowin ta-kiskēnicikatēk . mina kotakiya masinahikatēwa atoskēwina

ta-tasihkaki mina ta-tasihtakik oma ohci ininiwi-iskwēwak kā-wanitotāhcik, kā-kitimahicik.
ēkwani ta-masinahikātēw anta kwayask-itastāsowi- isihcikēwin (Path to Reconciliation Act)
iskwayāc ācimowin.

ta-masinahikātēw mina tānsi Manitoba okimanahk ta-isi-atoskatahik anima MMIW (iskwēwak
kā-wanihicihk ēkwa kā-wanitotāhcik, mihcēt kā-nipahicik) kā-natawēnihtākwahki ta-
itocikatēki(CFJ)

ēkwa iskwayāc anita masinahikanihk, ta-masinahikātēw tānsi Manitoba okimanahk awasimē ta-
isi-atoskatahik otē nīkān kā-ati-isanik, oma ohci tapwēwin ēkwa minwahkotiwin, kahkinaw
awiyak awasimē ta-ati-kiskēnihtak ota Manitoba.